

BETROKA FARITRA ANÔSY

Am-polony ireo omby maty tamin'ny fomba mampiahiahy

Am-polony ireo omby maty tamin'ny fomba mampiahiahy tany amin'ny distrikan'i Betroka faritra Anôsy. Ni-trangana fahafatesan' omby 13 indray mandeha tao Aborano, kaominina Beapombo II, disitrikan'i Betroka ny faran'ny herinandro lasa teo iny. Raha ny zava-nisy tamin'ny fotoana io raha tsiahivina dia nividy mangahazo tany amin'ny kaominina Isoanala ilay tompon' omby. Mangahazo izay kasaina hamainina ka no-voasana araka izany. Rehefa avy teo dia nomena omby ny hoditr'ireo mangahazo, ka nampiampantra azy ireo. Marihina moa fa tsy vao izao no nampihinana hoditra mangahazo omby ilay olona tompon'omby ireto, fa efa fanaonany hatramin'izay rehefa mamaofy manga-



Ny sasany amin'ireo omby maty tany Betroka.

hazo, fa tamin'ity indray mitoraka ity dia nampalahelo fa nisy ireo omby maty ireo. Mangataka ny fanaovana fanadihadiana amin'izao tranga izao noho izany ny tompon' ireo omby.

Stefa

Miss sy Mister Malagasy any Frantsa

Mandalo eto Madagasikara i Nosy sy Rody

Eo amin'ny sehatry ny hatsaran-tarehy sy ny endrika amam-bika, mandalo eto Madagasikara amin'izao fotoana ireo Miss sy Mister Malagasy any Frantsa: Nosy sy i Rody. Tonga eto Madagasikara afak'omaly, tetsy amin'ny seranam-piaramanidina iraisam-pirenena Ivato i Nosy sy Rody, Miss sy Mister Malagasy ao Frantsa. Nanainga nianatsimo izy ireo omaly, nihazo an'Ambo-sitra, Fandriana, Ranomafana ary Manakara, ary hizara fitaovam-pianarana ho an'ny mpianatra marefo, hanao asa sôsialy any amin'ireo toerana ireo.

Niaina



Nosy sy Rody, Miss sy Mister Malagasy any Frantsa.

Fanatanjahantena sy fizahantany

Hatao any Antsiranana ny andiany I, amin'ny Festikite Madagascar

Sambany handray hetsika momba ny kitesurf sy ny resaka kite na resaka papango sy fikorisana eny ambony ranomasina miaraka amina karazana papango isika eto Madagasikara. Hatao any Antsiranana amin'ity herinandro ity ny andiany voa-

lohany amin'ny Festikite Madagasikara. Hotanterahina any amin'ny "Baie des Sakalava", disitrikan' Antsiranana faritra Diana ny 26 ka hatramin'ny 28 mey ho avy izao, ny andiany voalohany amin'ny festival "Festikite Madagascar", izay karakarain'

ny Mada kite Bros ary hiarahana miasa amin'ny minisiteran'ny Fizahantany amin'ny alalan'ny tetikasa PIC, izay tohanan'ny ONTM na Office national du Tourisme de Madagascar, ara-teknika. Efa eto Madagasikara i Joshua Emmanuel, ilay tompon-

daka eran-tany amin'ity kitesurf ity, hanatrika sy handray anjara amin'izany. Mahatratra 50 ireo handray anjara amin'ity festival ity, ka hampiavaka azy ny fandraisana anjara-ny tompondaka maneran-tany amin'ny kitesurf "pro-rider", Joshua Emmanuel voalaza teo io.

"Tombony lehibe izany satria hahafahana mampiseho ny hakanton'ny firenena Malagasy amin'ireo mpanaraka azy manerana an'izao tontolo izao, hoy ny mpikarakara. Tanjon'ny hetsika ny hampiroboroana ny lafiny fizahantany eto Madagasikara, amin'ny alalan'ny fanatanjahantena. Ankoatra izay, kendrena ihany koa ny hampitomboana isa ireo mpizahantany avy any ivelany, sy anatin'ny ny hisarihana ireo mpankafy fanatanjahantena andranomasina.

Aly



Ny lalao sady fanatanjahantena kitesurf.

Tournoi Doritos La Relève

Nosokafa ôfisialy ny andiany faha-2

Nosokafana tamin'ny fomba ôfisialy tamin'ny sabotsy 21 mey 2022 teo, tetsy amin'ny kianja « Stade Annexe de Mahamasina », ny andiany faha-2 amin'ny fifaninana baolina kitra « Tournoi Doritos La Relève », natokana ho an'ireo zazalahy 14 sy 15 taona (teraka tamin'ny 1 janoary 2007 ka hatramin'ny 31 desambra 2008), izay ampidirana an'ireo voafantina ho ao amin'ny Académie Elite Barea, izay efa an-dalam-panganganana ankehitriny araka ny feo heno tamin'ny valan-dresaka ho an'ny mpanao gazety natao nialohan'io fotoam-panokafana io.

Ray mpiahy an'ity fifaninana ity hatrany ny mpanazatra ny Barea'i Madagasikara ankehitriny, Nicolas Dupuis. Izy no nandaka ny baolina voalohany tamin'izany lalao-panokafana izao.

Lalao 4 no nanombohana an'ity fanokafana ny andiany faha-2 ity, izay tsy hifarana raha tsy any amin'ny volana ôktôbra 2022.

Mpilalao mahatratra 1278 isa ao anatin'ny ekipa 71 no miatrika an'ity fifaninana ity.

Mampivavaka an'ity andiany faha-2 ity ny hanendrena sy hanolorana amboara manokana an'ireo mpilalao mendrika indrindra isaky ny lalao hatao, ny hanendrena an'ireo "homme du match" isaky ny lalao, ny hanendrena ny ekipa "la plus fairplay du tournoi" ary ny hanendrena ny "meilleur coach du tournoi".

Noraisina hanatevin-daharana ny mpiara-miombon'antoka ôfisialy amin'ity « Tournoi » ity, ny Sté Aldis, ny GasyStar TV, izay hampita mivantana an'ireo lalao misongadina rehetra amin'ity fifaninana ity, ao amin'ny « réseau social Facebook », sy ao amin'ny « Canal Tv-ny ».

Voka-dalao andro voalohany « 2è édition » : (GA)-Aje-saia Itaosy – Fc Tafaray (1-2), (GB)-H+Football – Ankami (3-2), (GC)-67 City Fc – C.F.F.J.A (4-0) (GD)-As Jet Mada – A.V.S.A (1-1).

Ireo daty tsara ho fantatra :

- Alarobia 1 jona 2022 tolakandro : « matchs de poules »;
- Alarobia 8 jona 2022 tolakandro : « matchs de poules »;
- Alarobia 15 jona 2022 tolakandro : « matchs de poules »;
- Sabotsy 18 jona 2022 : « matchs de poules »;
- Alarobia 29 jona 2022 : « matchs de poules ».

Rainilita

Fifaninana Asief Analamanga

Nitohy tamin'ny sabotsy teo ny lalao basikety

Anisan'ireo taranja anaovan'ny Asief Analamanga fifaninana, ka nitohy tamin'ny faran'ny herinandro lasa teo ny taranja basikety baolina, izay notontosaina toy ny mahazatra etsy amin'ny kianja Toby Ratsimandrava, sy eny amin'ny kianja MINAE Anosy.

Vokatra azo tamin'ny sabotsy 21 mey 2022 Teny amin'ny kianja MINAE : JA- Jirama 39 – 32 CUA, DB-Senat 19 – 30 Jirama, VB-Prima 35 – 36 Ua, VD-Msp 65 – 33 Douane, JC- Ua 33 – 46 Prm, VA-Mesupres 37 - 24 Ist, JB-Men 48 – 42 Justice. Teny amin'ny kianja Toby Ratsimandrava : DC-Mjs 42 – 39 MID, JA-Dgi 64 – 57 Dgcf, VD-Gn 57 – 35 Mjs, VC-Meah 38– 59 Mid, JA- Minae 50 – 25 An, JD-Ema 53 - 25 Metfp.

Rainilita



Basket-ball Asief 2022.